

摘藻堂四庫全書薈要

史部

欽定四庫全書薈要

史部

御批歷代通鑑輯覽卷十四

詳校官原任編修臣徐立綱



欽定四庫全書薈要卷七千四百六十七

御批歷代通鑑輯覽卷十四

漢

孝文皇帝

恒高祖中子母曰薄姬

先在魏許負相曰當生天子後入漢高祖內之後宮

一日召幸之姬曰昨夢蒼龍據吾腹高祖曰此貴徵也吾為汝成之遂生帝

初封代王大

臣既誅諸呂遂迎立之

壬戌 元年十月帝謁高廟

尊太后為皇太后

遣車騎將軍薄昭迎于代

立趙幽王

故趙王友

子遂為趙王徙瑯邪王澤為燕王

初齊王襄起兵給琅邪王澤留之

事具前

澤不得反國

乃之長安與諸大臣共立帝以功徙為燕王琅邪復

歸齊

以陳平為左丞相周勃為右丞相灌嬰為太尉

陳平謝病上問之平曰高祖時勃功不如臣及誅諸

呂臣功不如勃願以右丞相讓勃上從之于是論誅

諸呂功右丞相勃以下益戶賜金各有差

勃朝罷趨出意得甚

上禮之恭嘗曰送之郎中衣益進曰丞相何如人也

上曰社稷臣也蓋曰丞相功臣非社稷臣夫社稷臣主在與在

主亡與亡方呂氏時劉氏不絕如帶丞相為太尉本

兵柄不能正呂后崩大臣共誅諸呂丞相適會其成

功今丞相如有驕色而陛下謙讓臣主失禮竊為陛下

下不取也後朝上益莊丞相益畏表蓋字繇楚人

十二月除收孥相坐律令

應劭曰秦法一人有罪并坐其室家今除此律

詔曰法者治之正也今犯法已論而使無罪之父母

妻子同產坐之及為收孥朕甚不取其議之有司皆

曰收孥相坐所以累其心使重犯法如故便上曰朕

聞法正則民慤罪當則民從且夫牧民而導之善者
吏也其既不能導又以不正之法罪之是反害于民
為暴者也朕未見其便于是有司奉詔除收孥諸相
坐律令

春正月立子啟為皇太子

即景帝

有司請早建太子上曰朕既不德縱不能博求天下
賢聖有德之人而禪天下焉而曰豫建太子是重吾
不德也其安之有司曰豫建太子所以重宗廟社稷

不忘天下也古者殷周有國治安皆且千歲用此道也立嗣必子所從來遠矣今子啟最長純厚慈仁請建為太子上乃許之

三月立太子母竇氏

風俗通夏帝相后繆方娠遭寒氏之難逃出自竇生少康其支孫以

竇為

為皇后

后觀津人呂后時以良家子選入宮後呂后出宮人分賜諸王后入代生景帝

氏

后兄長君弟廣國

字少君幼為人所畧賣傳十餘家聞皇后立乃上書自陳召見驗問

得實

厚賜田宅家于長安周勃灌嬰等曰吾屬不死命

且懸此兩人兩人所出微不可不為擇師傳賓客又

復效呂氏也乃選士有節行者與居兩人由此為退讓君子不敢以尊貴驕人

詔定振窮養老之令

詔曰方春和時草木羣生之物皆有以自樂而吾百姓鰥寡孤獨窮困之人或阡于死亡而莫之省憂為民父母將何如其議所以振貸之又曰老者非帛不煖非肉不飽今歲首不時使人存問長老又無布帛酒肉之賜將何以佐天下子孫孝養其親哉具為令

八十以上月賜米肉酒九十以上加賜帛絮長吏閱
視丞若尉致二千石遣都吏循行不稱者督之

夏四月齊楚地震山崩

二十九山同日崩大水潰出

六月令四方毋來獻

時有獻千里馬者上曰鸞旗在前屬車在後吉行日
五十里師行三十里朕乘千里馬獨先安之于是還
其馬與道里費下詔曰朕不受獻也其令四方毋復

來獻

封宋昌為壯武

漢縣故城在今山東萊州府即墨縣西

侯

帝既施惠天下乃修代來功封昌為壯武侯

諸從官張武等

六人官皆九卿

秋八月右丞相勃免

帝益明習國家事問右丞相勃曰天下一歲決獄幾何勃謝不知又問一歲錢穀出入幾何勃又謝不知惶愧汗出浹背帝問左丞相平平曰有主者帝曰謂

陳平所言相佐
天子云云似矣
然平非實能如
此也徒以口給
免過何足稱哉

誰平曰陛下即問決獄責廷尉問錢穀責治粟內史

秦官漢因
之掌穀貨

帝曰然則君所主者何事平謝曰陛下不

知其駕下使待罪宰相宰相者上佐天子理陰陽順

四時下遂萬物之宜外填撫四夷諸侯內親附百姓

使卿大夫各得任其職焉帝曰善勃大慚自知能不

如平乃謝病免平專為丞相

遣大中大夫陸賈使南粵南粵王佗稱臣奉貢

初高后時遣隆慮

漢縣故城在今河南彰德府林縣

侯周竈擊南粵

會暑濕大疫兵不能踰嶺佗因此以兵威財物賂遺

閩越西甌駱

元和志嶺南道邕管貴州本西甌駱越地寰宇記永嘉為東甌鬱林為西甌

貴州今廣西潯州府貴

縣鬱林故城在縣南

役屬焉東西萬餘里乘黃屋

左肅稱制與中國侔至是帝初鎮撫天下使告諸侯

四夷以陸賈前使粵名為大中大夫謁者一人為副

使賜佗書

書曰朕高皇帝側室之子奉北藩于代高皇帝棄羣臣孝惠皇帝即世高后自臨事

不幸有疾諸呂為變賴功臣之力誅之朕以王侯吏不釋之故不得不立乃者聞王遣隆慮侯書求親昆弟請罷長沙兩將軍朕以王書罷將軍博陽侯親昆弟在真定者已遣人存問修治先人家前日聞王發

兵于邊為寇不止長沙苦之南郡尤甚雖王之困庸
獨利乎必多殺士卒傷良將吏寡人之妻孤人之子
獨人父母得一亡十朕不忍為也得王之地不足以
為大得王之財不足以為富崙以南王自治之雖然
王號為帝兩帝並立亡一乘之使以通其道是爭也
而不讓仁者不為也願與王分棄前患通使如故

陸賈至佗恐頓首謝罪願奉明詔長為藩臣奉貢職
下令國中曰兩賢不並世漢皇帝賢天子自今以來

去帝制黃屋左纁因奉書

書稱蠻夷大長老夫臣佗
昧死再拜上書皇帝陛下

老夫故粵吏也高皇帝幸賜臣佗璽以為南粵王孝
惠皇帝義不忍絕所賜老夫者甚厚高后用事別異
蠻夷出令曰毋與粵金鐵田器馬牛羊老夫僻處馬
牛羊齒已長自以祭祀不修有死罪使凡三輩上書

謝過終不反又風聞父母墳墓已壞削兄弟宗族已誅論吏相與議曰今內不得振于漢外亡以自高異故更號為帝自帝其國非有害于天下也高皇后聞之大怒削南粵之籍使使不通老夫竊疑長沙王諶臣故發兵以伐其邊老夫處粵四十九年今抱孫焉然夙興夜寐寢不安席食不甘味者以不得事漢也今陛下幸哀憐復故號通使如故并獻方物老夫死骨不腐改號不敢為帝矣

召河南守吳公為廷尉賈誼為大中大夫

帝聞河南守吳公治平為天下第一名為廷尉吳公

薦洛陽人賈誼

誼以能誦詩書屬文稱于郡中吳公召置門下

帝召以為博

士誼時年二十餘帝愛其辭博

每詔令議下諸老先生未能言誼盡為之

代攝循吏自
公始然定臣
云治平為天
第一而未嘗
引指其政豈所
以上德不德無
之可求耶其
用賢可謂
不惑者已非

土成黃霸輩所
能及

對人人各如其意所出
諸生以為能帝悅之

一歲中超遷至大中大夫誼

請改正朔易服色定官名興禮樂以立漢制更秦法

草具其儀法色上黃數
用五為官名悉更奏之

帝謙讓未遑也

癸亥

二年冬十月丞相曲逆侯陳平卒

諡曰
獻

平常言吾多陰謀道家所禁吾世即廢亦已矣終不能復起也

詔列侯之國

詔曰古者諸侯各守其地以時入貢民不勞苦上下驩
欣靡有違德今列侯居長安邑遠吏卒給輸費苦而

列侯亦無由教訓其民其各之國

十一月以周勃為丞相

癸卯晦日食詔舉賢良方正能直言極諫者

詔曰人主不德天示之災以戒不治朕下不能治育羣生上以累三光之明不德大矣今至其悉思朕之過失及知見之所不及句以啟告朕及舉賢良方正能直言極諫者以匡朕之不逮因各敕以職任務省繇費以便民罷衛將軍軍太僕見馬遺財足

遺留也
財與繇

同減而留者繞足充數而已

餘皆以給傳置潁陰

漢縣故城在河南陳州府淮寧

縣西 侯騎侯家之

賈山潁川人

上書言治亂之道名曰

至言

其辭曰臣聞雷霆之所擊無不摧折者萬鈞之所壓無不糜滅者今人主之威非特雷霆也勢

重非特萬鈞也開道而求諫和顏色而受之用其言

而顯其身士猶恐懼而不敢自盡又況于縱欲恣暴

惡聞其過乎昔者周蓋千八百國以九州之民養千

八百國之君君有餘財民有餘力而頌聲作秦皇帝

以千八百國之民自養力罷不能勝其役財盡不能

勝其求身死纔數月耳天下四面而攻之宗廟滅絕

矣秦皇帝居滅絕之中而不自知者何也亡輔弼之

臣亡直諫之士天下已潰而莫之告也今陛下使天

下舉賢良方正之士天下之士莫不精白以承休德

今已在朝廷矣乃選其賢者使為常侍諸吏與之馳

騁射獵一日再三出臣恐朝廷之解弛百官之墮于
事也陛下即位親自勉以厚天下振貧民禮高年平
獄緩刑天下莫不說喜臣聞山東吏布詔令民雖老
羸癯疾扶杖而往聽之願少須臾毋死思見德化之
成也今功業方就名聞方昭四方鄉風詩曰靡不有
初鮮克有終臣不勝大願願以夏歲二月定明堂造
太學修先王之道風行俗成萬世之基定惟陛下所
幸耳古者大臣不得與宴遊方正修潔之士不得從
射獵使皆務其方以高其節夫士修之于家而壞之
于天子之廷臣竊恐之陛下與衆臣宴遊與大臣方
正朝廷議論夫游不失樂朝不失禮議不失計執事
之大者也帝嘉納焉帝每朝郎

從官上書疏未嘗不止輦受其言言不可用置之可

用採之未嘗不稱善

上從霸陵上欲西馳下峻坂中
郎將袁盎攬轡上曰將軍怯耶

賈誼首議積貯
龜錯繼之以重
農者衆其言雖
雜出於管商然
崇本抑末實為
足食之原也

並言曰臣聞千金之子坐不垂堂聖主不乘危不徼
幸今陛下騁六飛下峻山有如馬驚車敗陛下縱自
輕奈高廟太后何上乃止上所幸慎夫人在禁中常
與皇后同席坐及幸上林郎署長布席盎引却慎夫
人生慎夫人怒上亦怒盎因前說曰臣聞尊卑有序
則上下和今陛下既已立后慎夫人乃妾妾主豈可
與同坐且陛下獨不見人彘乎
上說語慎夫人賜盎金五十斤

春正月親耕籍田

賈誼說上曰筮子曰倉廩實而知禮節衣食足而知
榮辱民不足而治者自古及今未之嘗聞古之人曰
一夫不耕或受之饑一女不織或受之寒生之有時

而用之無度則物力必屈古之治天下至纖至悉故
其畜積足恃令背本而趨末者甚衆淫侈之俗日月
以長生之者甚少而靡之者甚多天下財產何得不
蹙世之有饑穰天之行也禹湯被之矣即不幸有方
二三千里之旱國胡以相恤卒然邊境有急數十百
萬之衆國胡以餽之夫積貯者天下之大命也苟粟
多而財有餘何為而不成以攻則取以守則固以戰
則勝懷敵附遠何招而不至今毆民而歸之農皆著

于本使天下各食其力末技游食之民轉而緣南畝
則畜積足而人樂其所矣上感誼言于是詔開籍田
上親率耕以勸百姓

三月立趙幽王子辟疆為河間王治樂成今直隸河間府獻縣是朱虛

侯章為城陽王治莒今山東沂州府莒州是東牟侯興居為濟北王

治盧故城在今山東濟南府長清縣子武為代王參為太原王治晉陽注見前揖

為梁王治睢陽今歸德府商邱縣是

有司請立皇子為諸侯王詔先立河間憐趙王友幽死故既立其

太子遂又復立其少子

城陽濟北

以平諸呂有功故王

三王然後立皇子

三皇子同日立徙武徙淮陽參徙代并有太原揖好讀書帝愛之異于他子立十年卒無子武遂徙王梁

夏五月除誹謗妖言法

詔曰古之治天下朝有進善之旌誹謗之木

帝堯事見前

所以通治道而來諫者也今法有誹謗妖言之罪是使衆臣不敢盡情而上無由聞過失也將何以來遠

方之賢良其除之民或祝詛上以相約而後相謾

欺也

初約祝詛後相欺誑中道而止無實事也

吏以為大逆其有他言又以為

誹謗此細民之愚無知抵罪朕甚不取自今以來有
犯此者勿聽治

秋九月賜天下今年田租之半

詔曰農天下之大本也民所恃以生也而民或不務
本而事末故生不遂朕今親率羣臣農以勸之其賜
天下民今年田租之半

甲子 三年冬十月丁酉晦日食

十一月丁卯晦日食

丞相絳

漢縣後漢改絳邑故城在山西平陽府曲沃縣西南

侯勃免就國

詔曰前遣列侯就國或辭未行丞相朕所重其為朕

率列侯之國

以灌嬰為丞相罷太尉官

淮南王長來朝殺辟陽

漢縣故城在今直隸冀州東南

侯審食其

初高祖過趙趙王敖進美人得幸有身及貫高事發

美人亦坐繫美人母弟趙兼因審食其言呂后呂后

妬弗肯白食其亦不彊爭美人已生子恚即自殺吏奉

其子詣高祖高祖悔名之曰長令呂后母之會黥布

反即封長為淮南王

事具前

王蚤失母附呂后故呂后

時得無恙而常心怨食其弗敢發至是入朝

王素驕蹇不奉

法上以親故寬假之及入見從上入苑園獵與上同車常謂上大兄

往見食其袖鐵椎

椎殺之馳至闕下肉袒謝罪帝傷其志為親赦弗治

以此歸國益驕恣出入稱警蹕稱制擬于天子袁盎

諫曰諸侯太驕必生患上不聽

夏五月匈奴入寇帝如甘泉

宮名在西安府涇陽縣西北

遣丞相嬰

將兵擊走之遂如太原濟北王興居反遣大將軍柴武擊之

秋七月還宮八月興居兵敗自殺

匈奴入居北地河南

注俱見前

為寇上幸甘泉遣丞相灌

嬰發車騎八萬五千擊之匈奴走出塞上因幸太原見故羣臣皆賜之復晉陽中都民三歲租留游十餘日初誅諸呂時朱虛侯章功尤大大臣許盡以趙地王章以梁地王興居帝既立聞其初欲立齊王故絀

其功及王諸子乃割齊二郡王之章興居自以失職

奪功常怏怏

章立歲餘卒

至是上幸太原興居以為天子

且自擊匈奴遂發兵反欲襲滎陽帝聞之詔罷丞相

兵以棘蒲

今直隸趙州

侯柴武為大將軍擊之遂還長安

八月武擊虜興居自殺

以張釋之

字季堵陽人

為廷尉

秦官漢因之

釋之初為騎郎十年不得調袁盎薦之為謁者朝畢

因前言事帝曰卑之無甚高論令令可行也釋之乃

言秦漢間得失帝悅拜謁者僕射嘗從行登虎園

在西

安府咸寧

縣東北

上問上林尉

漢上林苑有令丞尉屬水衡都尉

諸禽獸簿

尉不能對虎園嗇夫

漢制縣有鄉嗇夫掌聽訟此其類也

從旁代尉對

甚悉上曰吏不當若是耶詔釋之拜嗇夫上林令釋

之曰陛下以周勃張相如

東陽侯

何如人上曰長者釋

之曰此兩人言曾不能出口豈效此嗇夫喋喋利口

捷給哉且秦以任刀筆吏爭亟疾苛察相高其敝徒

文具而無實不聞其過陵遲至于土崩今陛下以嗇

夫口辯而超遷之臣恐天下隨風而靡也上曰善乃
不拜嗇夫以釋之為宮車令

衛尉屬掌司馬門天下
上事四方貢獻皆領之

頃之太子與梁王共車入朝不下司馬門釋之追止
之劾不敬太后聞之帝免冠謝教兒子不謹太后使
使承詔赦太子梁王然後得入帝由是奇釋之拜中

大夫

釋之從行至霸陵時慎夫人從上指示新豐道
曰此走邯鄲道也使慎夫人鼓瑟上自倚瑟而

歌意慘悽悲懷顧謂羣臣曰嗟乎以北山石為樽用
紆絮斲陳漆其間豈可動哉左右皆曰善釋之曰使
其中有可欲雖錮南山猶有隙使其中
無可欲雖無石樽又何戚焉帝稱善

至是拜廷尉

上行出中渭橋

玉海架渭者三橋中渭橋在長樂宮北西渭橋亦曰便橋在長安西東渭

橋在萬年東

有人從橋下走乘輿馬驚捕屬廷尉釋之奏

之謂上使人之則已豈非人主妄殺之前人已有所論失者且法之加惟在當罪罪果當死則誅之不為過則明輕時重非所以弼教

犯蹕當罰金上怒釋之曰法者天子所與天下公共也今法如是更重之是法不信于民也且方其時上使使誅之則已今已下廷尉廷尉天下之平也壹傾天下用法皆為之輕重民安所措其手足上良久曰廷尉當是也後有人盜高廟坐前玉環得下廷尉治釋之奏當棄市上大怒曰人盜先帝器吾欲置之族

而君以法奏之非吾所以共

讀曰恭

承宗廟意也釋之

曰法如是足也今盜宗廟器而族之有如萬分之一
愚民取長陵一抔土陛下何以加其法乎帝乃白太
后許之

乙丑四年冬十二月丞相潁陰侯灌嬰卒

謚曰懿

以張蒼

陽武

人為丞相

蒼自秦時為柱下史明習天下圖書計籍尤善律歷

高祖用為計相

專主計籍

至是以御史大夫代灌嬰為丞

相

歷有黃帝顓頊夏殷周及魯六家蒼用顓頊歷于六家疏濶中最高祖十月始至霸上因

故秦時本以十月為歲首而

朔晦月見弦望滿虧多非是

名河東

漢河東郡治安邑安邑注見前

守季布至罷歸郡

上召季布欲以為御史大夫或言其使酒難近至留

邸一月見罷布因進曰臣無功竊寵待罪河東陛下

無故召臣此人必有以臣欺陛下者今臣至無所受

事罷去此人必有毀臣者夫以一人之譽而召臣以

一人之毀而去臣恐天下有識聞之有以闕陛下之

淺深也上默然良久曰河東吾股肱郡故特召君耳
下絳侯周勃廷尉獄既而赦之

勃既就國每河東守尉行縣至絳勃自畏常被甲令
家人持兵以見之人有告勃欲反下廷尉逮治勃恐
不知置辭

謂對獄
之語

吏稍侵辱之勃以千金與吏吏乃

書牘背示之曰以公主為證公主者帝女也勃子勝
之尚之故獄吏教引為證太后謂帝曰絳侯始誅諸
呂綰皇帝舅居北軍不以此時反今居一小縣顧欲

反耶帝亦見勃獄辭乃使使持節赦之復爵邑勃既出曰吾嘗將百萬軍然安知獄吏之貴乎

作顧成廟

在西安府咸寧縣東應劭曰帝自為廟制度早缺若顧望而成故名自後諸帝皆自立廟

景帝廟號德陽武帝廟號龍淵昭帝廟號徘徊宣帝廟號樂游元帝廟號長壽成帝廟號陽池

丙寅五年春二月地震

夏四月更造四銖錢除盜鑄令

初秦用半兩錢

文曰半兩重如其文

高祖嫌其重更鑄莢錢

杜佑

曰錢如榆莢重一銖半徑五分

于是物價騰踊米石萬錢至是更造

姦民趨利雖日
禁盜鑄猶恐不
死又可聽其放
鑄耶二賈所言
供切中情弊而
誼尤詳

四銖錢

文亦曰半兩稍輕

除盜鑄錢令使民放鑄賈誼諫曰

法使天下公得鑄錢敢雜以鉛鐵罪黥然鑄錢非殺
雜為巧則不可得贏而殺之甚微為利甚厚夫事有
名禍而法有起姦令令細民人操造幣之勢各隱屏
而鑄作因欲禁其厚利微姦雖黥罪日報其勢不止
曩禁鑄錢死罪積下今公鑄錢黥罪積下姦數不勝
法禁數潰銅使之然也銅布于天下其為禍博矣故
不如收之

賈山亦上書言錢者亡用器也而可以易富貴富貴者人主之操柄也令民為之是

與人主共操
柄不可長也
上不聽當是時吳王濞以諸侯即豫章

銅山
韋昭曰豫章當作故鄣今浙江湖州府安吉州漢故鄣縣其東有銅峴山括地志吳採鄣山之

此銅即鑄錢富埒天子大中大夫鄧通
蜀郡南安人以寵幸

賜蜀嚴道銅山
今四川雅州府榮經縣漢嚴道其北有銅山使鑄錢財過

王者以故吳鄧錢滿天下

丁卯
六年冬十月淮南王長謀反廢徙蜀道死

淮南王長自作法令逐漢所置吏請自置相帝曲意從之又擅刑殺不辜及爵人至關內侯數上書不遜

帝重自切責之復令薄昭與書引管蔡以為警戒長

不悅至是謀反

令男子但等與柴武子奇謀以輦車反谷口令人使閭越勾奴

事覺

召至長安丞相御史大夫等奏長罪當棄市上不忍

置法赦長死徙處蜀載以輜車縣次傳之袁盎諫曰

上素驕淮南王弗為置嚴傅相以故至此今暴摧折

之臣恐卒霧露病死陛下有殺弟之名奈何上曰吾

特苦之耳今復之王果恚憤不食死傳者不敢發車

封至雍

漢縣故城在今陝西鳳翔府鳳翔縣南

雍令發之以死聞上哭

甚悲逮考諸縣不發封餽侍者皆棄市塋長以列侯禮民或歌之曰一尺布尚可縫一斗粟尚可舂兄弟

二人不相容上聞而病之後二年封長子安等四人

皆為列侯

安為阜陵侯勃為安陽侯賜為陽周侯良為東城侯

賈誼知上必將

復王之也諫曰淮南王悖逆無道天下孰不知其辜

今奉尊罪人之子適足以負謗于天下爾此人少壯

豈能忘其父哉弗聽

十二年追謚長曰厲王

匈奴復請和親

初冒頓遺漢書請復故約帝報書并遺之繡袷綺衣諸

物至是冒頓死子稽粥立號曰老上單于帝遣宗室

女翁主為單于閼氏使宦者中行說

晉中行氏之別

傳翁主

說不欲行彊使之說曰必我也為漢患者既至降單

于甚親幸于是說教單于左右疏記

謂分條而記之

以計課

其人衆畜物遺漢書牘及印封皆令長大倨傲其辭

曰天地所生日月所置匈奴大單于

以賈誼為梁王太傅

論賈誼者或謂
備漢文或歸罪

絳灌或咎誼不能自用獨班固以為誼以早終雖不至公卿未為不過斯言最當蓋誼才畧頗優然以年少銳于進取能動而不能靜以吳公初薦用而即請改朔易服觀之使竟得柄用其不至制作紛更如宋之王安石者亦幾希耳

初上議以誼任公卿之位大臣多短之曰年少初學

專欲擅權紛亂諸事上于是疏之以為長沙王太傅

誼以適去意不自得渡湘為賦以弔屈原至長沙地卑濕有服鳥飛入其舍誼自傷悼為賦以自廣久

之上思誼徵之至入見上方受釐

音禧顏師古曰福也受釐祭畢而受

神之福也

坐宣室

未央前正室

因問鬼神之本誼具道所以然之

故至夜半帝前席既罷曰吾久不見賈生自以為過

之今不及也乃拜誼梁王太傅誼上疏曰臣竊惟今

之事勢可為痛哭者一可為流涕者二可為長太息

者六若其他背理而傷道者難徧以疏舉進言者皆曰天下已安已治矣臣以為非愚則諛皆非知治亂之體者也陛下何不壹令臣得孰數之于前因陳治

安之策試詳擇焉

其畧曰夫樹國固必相疑之勢下數被其殃上數爽其憂甚非所以

安上而全下也今或親弟謀為東帝親兄之子西向而擊今吳又見告矣天子春秋鼎盛行義未過德澤有加焉猶尚如是況莫大諸侯權力且十此者乎曩時高皇帝割膏腴之地以王諸侯德至渥也然其後十年之間反者九起臣竊跡前事大抵強者先反弱者後反長沙乃二萬五千戶耳功少而最完勢疏而最忠非獨性異人也亦形勢然也曩令樊鄴絳灌據數十城而王今雖已殘亡可也今信越之倫列為徹

侯雖至今存可也然則天下之大計可知已欲諸王之皆忠附莫若令如長沙王欲臣子之勿蕪醢亦莫若令如樊鄴等欲天下之治安莫若衆建諸侯而少其力力少則易使以義國小則無邪心令海內之勢如身之使臂臂之使指莫不制從割地定制各為若干國使其子孫以次受之分地衆而子孫少者建以為國空而置之須其子孫生者舉使君之一寸之地一人之衆天子亡所利焉誠以定治而已天下之勢方病大瘡一脛之大幾如要一指之大幾如股平居不可屈信失今不治必為痼疾可痛哭者此病是也天下之勢方倒懸今匈奴嫚侮掠至不敬也為天下患至亡已也而漢歲致金絮采繒以奉之夷狄徵令是主上之操也天子共貢是臣下之禮也倒懸如此莫之能解猶為國有人乎可為流涕者此也陛下何忍以帝王之號為戎人諸侯勢既卑辱而禍不息長此安窮臣竊料匈奴之衆不過漢一大縣以天下之大

因于一縣之衆甚為執事者羞之陛下何不試以臣
為屬國之官主匈奴行臣之計請必繫單于之頸而
制其命伏中行說而答其背舉匈奴之衆惟上之令
今不獵猛獸而獵田鼠不搏反寇而搏畜兔玩細娛
而不圖大患可為流涕者此也今民賣僮者為之編
衣絲履偏諸緣是古天子后服也而庶民得以衣婢
妾白穀之表薄紃之裏紃以偏諸美者黻繡是古天
子之服而富人大賈召客者以被墻且帝之身自衣
皂綈而富民墻屋被文繡天子之后以緣其頰者庶
人嬖妾緣其履此臣所謂舛也夫俗至大不敬也至
亡等也至冒上也進計者猶曰毋為可為長太息者
此也商君遺禮義棄仁恩并心于進取行之二歲秦
俗日敗故秦人家富子壯則出分家貧子壯則出贅
借父耰鋤慮有德色母取箕箒立而諄語抱哺其子
與公併侶婦姑不相得則反唇而相稽其不同禽獸
者無幾耳今其遺風餘俗猶尚未改棄禮義捐廉耻

日甚月異而歲不相同矣而大臣特以簿書期會之間以為大故至于流俗失世壞敗因怙而不知怪以為是適然耳夫移風易俗使天下回心而鄉道類非俗吏之所能為也俗吏之所務在于刀筆筐篋而不知大體管子曰禮義廉恥是為四維四維不張國乃滅亡可不為寒心哉豈如今定經制令君君臣臣上下有差父子六親各得其宜此業一定世世常安若夫經制不定是猶渡江河亡維楫中流而遇風波船必覆矣可為長太息者此也夏殷周為天子皆數十世秦為天子二世而亡何三代有道之長而秦無道之暴也古之王者太子乃生有司齋肅端冕見之南郊過闕則下過廟則趨故自為赤子而教固已行矣孩提有識三公三少明孝仁禮義以道習之逐去邪人不使見惡行選天下之端士有道術者使與居處出入故太子乃生而見正事聞正言行正道左右前後皆正人也孔子曰少成若天性習貫如自然三代之

所以長久者以其輔翼太子有此具也及秦而不然使趙高傳胡亥而教之獄所習者非斬劓人則夷人之三族也故胡亥今日即位而明日射人忠諫者謂之誹謗深計者謂之妖言其視殺人若艾草管然豈惟胡亥之性惡哉彼其所以道之者非其理故也鄙諺曰前車覆後車誠天下之命懸于太子太子之善在于早諭教與選左右教得而左右正則太子正矣太子正而天下定矣此時務也凡人之智能見已然不能見將然夫禮者禁于將然之前而法者禁于已然之後是故法之所為用易見而禮之所為至難知也若夫慶賞以勸善刑罰以懲惡先王執此之政堅如金石行此之令信如四時據此之公無私如天地豈顧不用哉然而禮云禮云者貴絕惡于未萌起教于微眇使民日遷善遠臯而不自知也世主之欲民善同而所以使民善者異或道之以德教或毆之以法令道之以德教者德教洽而民氣樂毆之以法令者

法令極而民風哀哀樂之感禍福之應也夫人之置器置諸安處則安置諸危處則危天下大器也在天子之所置之湯武置天下于仁義禮樂累子孫數十世此天下所共聞也秦皇置天下于法令刑罰禍幾及身子孫誅絕此天下所共見也今或言禮義之不如法令教化之不如刑罰盍引殷周秦事以觀之也人主之尊譬如堂羣臣如陛衆庶如地故陛九級上廉遠地則堂高陛無級廉近地則堂卑高者難攀卑者易陵理勢然也故古者聖王制為等列內有公卿大夫士外有公侯伯子男然後有官司小吏延及庶人等級分明而天子加焉故其尊不可及也詩曰從投鼠而忌器鼠近于器尚憚不投恐傷其器況于貴臣之近主乎廉恥節禮以治君子是以黜劓之罪不及大夫以其離主上不遠也今自王侯三公之貴皆天子之所改宥而禮之者也古天子之所謂伯父伯舅也而今與衆庶同黜劓刑棄市之刑然則堂不

亡陞乎被戮者不泰迫乎廉耻不行大臣無乃握重
權大官而有徒隸無耻之心乎夫嘗已在貴寵之位
今而有過常令廢之可也退之可也賜之死可也減
之可也若夫束縛之係縲之輸之司寇編之徒官司
寇小吏詈罵而榜笞之非尊尊貴貴之化也古者大
臣有坐不廉而廢者曰簠簋不飾坐污穢淫亂者曰
帷簿不修坐罷軟不勝任者曰下官不職故貴大臣
定有罪矣猶未斥然正以呼之尚遷就而為之諱也
遇之有禮故羣臣自憙嬰以廉耻故人矜節行化成
俗定則為人臣者皆顧行而忘利守節而仗義故可
以託不御之權可以寄六尺之孤此勵廉耻行禮誼
之所致也主上何喪焉此之不為而顧彼之久行故
曰可為長太
息者此也
上深納其言後梁王揖墜馬死
誼請為

梁立後而以淮南地益淮陽
帝于是徙淮陽王武為梁王
誼自傷為傳無狀常哭

泣歲餘亦卒時年三十三

己巳八年夏長星出東方

庚午九年春大旱

辛未十年冬車騎將軍薄昭有罪自殺

昭殺漢使者帝不忍加誅使公卿從之飲酒欲令自

引分昭不肯使羣臣喪服往哭之乃自殺

昭初封軹侯既死帝

為置後

壬申十一月匈奴寇狄道

漢縣今為州屬甘肅蘭州府

時匈奴數為邊患太子家令

秦官漢因之屬詹事

鼂錯

鼂與朝同王子

朝之後以名為氏錯潁川人

上書言兵事曰臣聞用兵臨陣合刃

之急者三一曰得地形二曰卒服習三曰器用利步

兵之地

山林川阜

車騎二不當一車騎之地

平原曠野

步兵十

不當一弓弩之地

平陵相遠川谷居間仰高臨下

短兵百不當一長

戟之地

兩陣相近可前可後

劍楯三不當一矛鋌之地

荊草竹蕭草木

茂接

長戟二不當一劍楯之地

曲道相伏險阨相薄

弓弩三不當

一士不選練卒不服習前擊後懈與金鼓之音相失

此不習勒卒之過也百不當十兵不完利甲不堅密

弩不及遠射不能中中不能入此將不省兵之禍也

五不當一故曰器械不利以其卒予敵也卒不可用

以其將與敵也將不知兵以其主與敵也君不擇將

以其國與敵也四者兵之至要也今匈奴地形技藝

與中國異上下山坂出入溪澗中國之馬弗與

猶弗如

也險道傾仄且馳且射中國之騎弗與也風雨罷勞

饑渴不困中國之人弗與也此匈奴之長技也若夫

平原易地輕車突騎則匈奴之衆易撓亂也勁弩長

戟射疏及遠則匈奴之弓弗能格也堅甲利刃長短

相雜遊弩往來則匈奴之兵弗能當也材官騶發

材官

有材力者騶發言驟發其矢也矢道同的言用矢者同中一的則匈奴之革筰

以皮作如鎧木薦以木作如楯弗能支也下馬地鬪劍戟相接

去就相薄則匈奴之足弗能給也比中國之長技也

匈奴之長技三中國之長技五陛下又興數十萬之

衆以誅數萬之匈奴衆寡之計以一擊十之術也雖

然兵凶器戰危事帝王之道出于萬全今降胡義渠

注見前

來歸誼者其衆數千長技與匈奴同可賜之堅

甲絮衣勁弓利矢益以邊郡之良騎令明將能知其
習俗和輯其心者將之即有險阻以此當之平地通
道則以輕車材官制之兩軍相為表裏各用其長技

此萬全之術也帝嘉之賜書寵答焉

錯初學申商法
為人峭直刻深

以其辯得幸太

子號曰智囊

募民徙塞下

量錯復上言臣聞兵起而不知其勢戰則為人禽屯
則卒積死今匈奴數轉牧行獵于塞下以候備塞之
卒卒少則入不救則邊民絕望而降敵救之纔到則
胡又已去聚而不罷為費甚大罷之則胡復入如此
連年則中國貧苦而民不安矣陛下幸憂邊境發卒
治塞然令遠方之卒守塞一歲而更不如選常居者
家室田作且以備之以便為之高城深塹要害之處
調立城邑毋下千家先為室屋具田器乃募民免罪

拜爵復其家予冬夏衣廩食能自給而止

初徙予之能自供贍

止即塞下之民利祿不厚不可使久居危難之地胡人

入驅而能止其所驅者以其半予之縣官為贖如是

則邑里相救助赴敵不避死非以德上也欲全親戚

而利其財也比與東方之戍卒不習地勢而畏胡者

功相萬也上從之

錯復言陛下幸募民以實塞下使屯戍益省輸將益寡甚大惠也臣

聞古之徙民者相其陰陽之和嘗其水泉之味然後營邑立城製里割宅置器物馬使民至有所居作有所用此民所以輕去其鄉而勸之新邑也為置醫巫以救疾病修祭祀男女有昏生死相恤墳墓相從種

樹畜長所以使民樂其處而有長居之心也臣又聞古之制邊縣以備敵也使五家為伍十伍為里四里一連十連為邑皆擇其邑之賢才習地形知民心者為之長居則習民于射法出則教民于應敵服習以成勿令遠徙幼則同遊長則共事夜戰聲相知則足以相救晝戰目相見則足以相識驩愛之心足以相死如此而勸以厚賞威以重罰則前死而不旋踵矣

癸酉

十二年冬十二月河決酸棗

漢縣故城在河南衛輝府滑縣北

東潰金堤

括地志金堤一名千里堤在白馬東白馬漢縣故城在衛輝府滑縣東北

于是

東郡大興卒塞之

劉友益曰書河決始此

詔民入粟邊拜爵免罪賜民今年半租

鼂錯上言請重農貴粟

畧曰聖王在上而民不凍餓者非能耕而食之織而衣之

也為開其資財之道也故堯有九年之水湯有七年之旱而國亡捐瘠者以畜積多而備先具也今海內為一亡有水旱之災而畜積未及者何也地有餘利民有餘力生穀之土未盡墾山澤之利未盡出遊食之民未盡歸農也人情一日不再食則餓終歲不製衣則寒腹饑不得食膚寒不得衣雖慈母不能保其子君安能以有其民哉夫珠玉金銀饑不可食寒不可衣然而衆貴之者以上用之故也粟米布帛一日弗得而饑寒至是故明君貴五穀而賤珠玉今農夫五口之家耕不過百畝收不過百石春耕夏耘秋穫冬藏四時之間亡日休息又私自送往迎來弔死問疾養孤長幼在其中勤苦如此復被水旱之災賦歛不時朝令暮改有者半賈而賣無者取倍稱之息于是有賣田宅鬻子孫以償責者矣而商賈大者積貯倍

息小者坐列販賣操其奇贏日游都市乘上之急所
賣必倍故其男不耕耘女不蠶織衣必文采食必粱
肉因其富厚交通王侯千里游敖冠蓋相望此商人
所以兼并農人所以流亡者也方今之務莫若使民
務農欲民務農在于貴粟貴粟之道在于使民以粟
為賞罰今募天下入粟縣官得以拜爵除罪則富人
有爵農民有錢所謂損有餘補不足令出
而民利者也不過三歲塞下之粟必多矣

帝從之令

民入粟于邊拜爵以多少級數為差錯復言邊食足支
五歲可入粟郡縣郡縣足支一歲可時赦勿收農民租
帝復從之乃下詔曰道民之路在于務本朕親率天下
農十年于今而野不加闢歲一不登民有饑色是從事

焉尚寡而吏奉吾詔不勤而勸民不明也且吾農民甚苦而吏莫之省將何以勸焉其賜農民今年田租之半置三老孝悌力田常員

詔曰孝悌天下之大順也力田為生之本也三老衆民之師也廉吏民之表也朕甚嘉此二三大夫之行今萬家之縣云無應令

謂無孝悌力田可應察舉之令

豈實人情是

吏舉賢之道未備也其遣謁者勞賜

三老孝者帛五匹悌者力田二

匹廉吏三匹

及問民所不便安而以戶口率置三老孝悌

力田常員令各率其意以道民焉

甲戌

十三年春二月詔具親耕桑禮儀

詔曰朕親耕以供粢盛皇后親桑以奉祭祀其具禮

儀

漢舊儀春始東耕于籍田以太牢祀先農百官皆從以次耕又春桑生皇后親桑于苑中養蠶于簿

以少牢祀蠶神
還獻于蒨館

夏除秘祝

初秦時祝官有秘祝即有災祥輒移過于下至是詔曰禍自怨起福由德興百官之非宜由朕躬今秘祝

之官移禍于下朕甚不取其除之

五月除肉刑

齊太倉令淳于意

臨淄人師同郡公乘陽慶受黃帝扁鵲脈書診病知生死

有罪

當刑詔逮繫長安其少女緹縈

意有五女臨行意罵曰生子不生男緩急

無可使緹縈傷

父言乃隨之西

上書曰妾父為吏齊中皆稱其廉平

今坐法當刑妾傷夫死者不可復生斷者不可復屬

雖欲改過自新其道無繇願沒入為官婢以贖父刑

罪帝憐悲其意詔曰詩曰愷弟君子民之父母今人

有過教未施而刑已加焉或欲改過為善而道無繇
至朕甚憐之夫刑至斷支體刻肌膚終身不息何其
痛而不德也豈為民父母之意哉其除肉刑有以易之
於是丞相張蒼等定律以上

當髡者為城旦春當黥髡者鉗為城旦春當劓者

答三百當斬左止者答五百當斬右止及殺人先自告吏坐受賕枉法守縣官財物而即盜之已論而復有答罪者皆棄市其城旦春者各有歲數以免制曰可是時上既躬修元默

而將相皆舊功臣懲惡亡秦之政論議務在寬厚化

行天下吏安其官民樂其業畜積歲增戶口寢息

也生風

流篤厚禁網疏闊是以刑罰大省斷獄四百有刑措之風焉

六月除田之租稅

除田租稅或因水旱或去其已甚若永除之則國家經費將何取給文帝雖仁不能為此必史有闕文耳

詔曰農天下之本務莫大焉令廩

與勤同

身從事而有

租稅之賦是謂本末者

本謂農末謂商賈

無以異也其于勸

農之道未備除之

乙未

十四年冬匈奴入寇遣兵擊之出塞而還

匈奴老上單于以十四萬騎入朝那

漢縣故城在今甘肅平涼府平

涼縣
西北

蕭關

在平涼府固原州東南

殺北地都尉邛

邛姓孫見功臣表

虜

人畜甚衆使奇兵入燒回中宮

注見前

候騎至雍甘泉

注見前

詔發車千乘騎卒十萬上親勞軍勒兵申教令

欲自征匈奴羣臣諫不聽皇太后固要上乃止以張相如樂布為將軍擊逐出塞即還

赦作徒魏尚

槐里人

復為雲中守

漢雲中郡治雲中縣即趙故城注見前

上輦過郎署見郎署長馮唐問曰父老

顏師古曰謂年已老也考

唐在武帝初年九十餘則此時年當餘六十故帝呼之曰父老

何自為郎家安在對

曰臣大父趙人父徙代上曰吾居代時吾尚食監高祛數為我言趙將李齊之賢戰于鉅鹿下令吾每飯意未嘗不在鉅鹿也父老知之乎對曰尚不如廉頗李牧之為將也上搏髀曰嗟乎吾獨不得廉頗李牧為將吾豈憂匈奴哉唐曰陛下雖得之不能用也上怒起入禁中良久召唐卒復問曰公何以知吾不能用廉頗李牧也唐對曰上古王者之遣將也跪而推轂曰閭以內寡人制之閭以外將軍制之軍功爵賞

皆決于外歸而奏之要非虛言也李牧為趙將軍市
租皆自用饗士卒賞賜不從中覆委任而責成功故牧
得盡其智能而趙幾霸今臣竊聞魏尚為雲中守其
軍市租盡以饗士卒私養錢私庫假錢自饗賓客軍吏舍
人是以匈奴遠避不敢近塞虜曾一入尚擊之所殺甚

衆坐上功首虜差六級

秦法斬敵一首拜爵一級今魏尚所上首虜之數差六級

因坐罪

陛下下之吏削其爵徒作之由此言之陛下賞

太輕罰太重雖得頗牧弗能用也上悅是日令馮唐

持節赦魏尚復為雲中守拜唐為車騎都尉

春增諸祀壇場珪幣

詔曰朕獲執犧牲珪幣以事上帝宗廟十四年于今
歷日彌長朕甚自愧其廣增諸祀壇場珪幣昔先王
遠施不求其報望祀不祈其福右賢左戚先民後已
至明之極也今吾聞祠官祝釐皆歸福于朕躬不為
百姓夫以朕之不德而專饗獨美其福百姓不與焉
是重吾不德也其令祠官致敬無有所祈

明於天地之性者不可惑以神怪貴誼初請改正易服且謙讓未遑何以於黃龍之見即議雍祀彼新垣平等之怪誕非有以乘其間乎文帝三代下令主於此不無遺憾

丙子

十五年春黃龍見成紀

注見前

夏四月帝如雍始郊見

五帝

此五時之五帝也五時注詳後景帝中六年

初魯人公孫臣上言始秦得水德漢受之當為土德

應黃龍見宜改正朔色尚黃丞相張蒼以漢乃水德

公孫臣言非是罷之至是黃龍見成紀帝召公孫臣

為博士與諸生申明土德草改厯服色事

張蒼由是遂繼下

詔禮官議郊祀夏四月帝行幸雍郊見五帝

秋九月親策賢良能直言極諫者以鼂錯為中大夫

詔諸侯王公卿郡守舉賢良能直言極諫者上親策

之時對策者百餘人太子家令鼂錯最為高第

錯對策大

畧以為五帝其臣莫及則自親之三王臣主俱賢則其憂之五伯不及其臣則任使之故各當其世而立

功德焉

擢為中大夫錯又上言宜削諸侯及法令可更

定者書凡三十篇上雖不盡聽然奇其材

丁丑

十六年夏四月郊祀五帝于渭陽以新垣平為上大夫

時趙人新垣平以望氣見上曰長安東北有神氣成五采東北神明之舍天瑞下宜立祠以合符應于是

作渭陽五帝廟

廟同一字帝各一殿面五門各如其方之色括地志廟在咸陽東臨渭

夏四月帝親祠之貴平至上大夫賜累千金而使博

士諸生刺

采取之也

六經中作王制

即今禮記王制篇

議巡守封

禪事

分齊地立悼惠王子六人為王

齊王則

哀王襄子

薨無子國除上乃分齊地立悼惠王肥

子將閭為齊王志為濟北

注見前

王賢為菑川

治劇故城在今

山東青州府壽光縣

王雄渠為膠東

治即墨注見前

王卬為膠西

治高密今

縣屬萊州府

王辟光為濟南

治東平陵今濟南府歷城縣是

王

分淮南地立厲王子三人為王

安為淮南王

仍治壽春

勃為衡山王

治六安見前

賜為廬江

治舒

今江南廬州府廬江縣是

王

厲王四子東城侯良已卒故不封

詔更以明年為元年立汾陰

注見前

廟

新垣平使人持玉杯詣闕下而入言于上曰闕下有

寶玉氣已視之果有獻玉杯者刻曰人主延壽平又

言臣候日再中居頃之日卻復中于是始更以十七

玉杯尚可假刻日卻何以復中
新垣平之荒誕與文成五利無異文帝早覺而誅之庶幾不憚改過耳

年為元年令天下大酺平復言周鼎在泗水中

注見前

今河決通于泗而汾陰有金寶氣意鼎出乎于是治

廟汾陰欲祠鼎出

戊寅 後元年冬十月新垣平伏誅

人有上書告新垣平所言皆詐也下吏治誅夷平是

後上亦急于改正

之成反
正朔也

服

服色也

鬼神之事渭陽五

帝使祠官領以時致禮不往焉

詔議可以佐百姓者

詔曰間者數年不登又有水旱疾疫之災朕甚憂之

意者朕之政有所失而行有過與將百官之奉養或

費無用之事或多與何其民食之寡乏也夫度田非

益寡而計民未加益以口量地其于古猶有餘而食

之甚不足者其咎安在無乃百姓之從事于末以害農

者蕃為酒醪以靡

同靡散也

穀者多六畜之食焉者衆與

細大之義吾未能得其中其與丞相列侯吏二千石

博士議之有可以佐百姓者率意遠思無有所隱

巳卯 二年夏復與匈奴和親

詔曰間者累年匈奴並暴邊境多殺吏民朕夙興夜

寐為之惻怛不安未嘗一日忘于心故遣使者冠蓋

相望結轍

使車往還故轍如結

于道以諭朕志于單于今單于

計社稷之安便萬民之利新與朕俱棄細過偕之大
道結兄弟之義以全天下元元之命和親以定始于

今年

時上遣匈奴書匈奴亦使當戶
報謝復和親當戶匈奴官名

秋八月丞相蒼免以申屠嘉

申侯之後居安定居
原為申屠氏嘉梁人

為丞相

時張蒼病免

蒼罷相口中無齒食乳年百餘歲乃卒

帝以后弟廣國賢

有行欲相之曰恐天下以吾私廣國久念不可而高

帝時大臣餘見無可者御史大夫申屠嘉故以材官

蹶張

如淳曰有材多力之士能脚蹋彊弩張之故曰蹶張

從高帝封關內侯遂

以為丞相嘉為人彊直門不受私謁是時大中大夫

鄧通方愛幸

通初以擢船為黃頭郎帝嘗夢欲登天不能有黃頭郎推之上顧其衣尻帶穿

覺而之漸臺見通其衣後穿夢中所見也

嘉嘗入朝

名問姓名曰鄧通鄧猶登也帝遂愛幸之
通居上旁怠慢嘉奏事畢因言曰陛下愛幸羣臣即

富貴之至于朝廷之禮不可不肅上曰君勿言吾私

之

顏師古曰言當私戒之

罷朝嘉坐府中為檄召通不來且斬

通恐入言上上曰汝第往吾使人召若通詣丞相免

冠徒跣頓首謝嘉坐自如責曰朝廷者高帝之朝廷

也通小臣戲殿上大不敬當斬

今史也

今行斬之通

頓首首盡出血不解上度丞相已困通使使持節召

通而謝丞相曰此吾弄臣君釋之通至為上泣曰丞

相幾殺臣

辛巳 四年夏四月丙寅晦日食

癸未 六年冬匈奴寇上郡雲中詔將軍周亞夫勃次子等

屯兵備之

匈奴老上單于死子軍臣單于立絕漢和親大入上

郡漢郡治膚施雲中所殺畧甚衆烽火通于甘

縣今屬延安府

泉長安遣將軍令免顏師古曰屯飛狐蘇意屯句注

飛狐句注

張武屯北地漢郡治馬嶺故城在今甘肅慶陽府環縣東南周亞

注俱見前

夫次細柳今西安府咸陽縣西南有細柳倉即亞夫屯兵處劉禮次霸上徐

厲次棘門

在咸陽縣東北秦故關門也

以備胡上自勞軍至霸上

及棘門軍直馳入將以下騎送迎已而至細柳軍軍士吏被甲銳兵刃彀弓弩持滿先驅至不得入曰天子且至軍門都尉曰將軍令曰軍中聞將軍令不聞天子之詔于是上乃使使持節詔將軍吾欲勞軍亞夫乃傳言開壁門門士請車騎曰將軍約軍中不得馳驅于是上乃按轡徐行至營亞夫持兵揖曰介冑之士不拜請以軍禮見上為改容式車使人稱謝皇

帝敬勞將軍成禮而去羣臣皆驚上曰嗟乎此真將
軍也曩者霸上棘門軍若兒戲耳其將固可襲而虜
也至于亞夫可得而犯哉稱善者久之後月餘匈奴
遠塞兵罷拜亞夫為中尉

秦官漢因之
掌徵借京師

夏大旱蝗詔弛利省費振民

令諸侯毋入貢弛山澤減諸服御損卽吏員發倉庾

在邑曰倉
在野曰庾以振貧民民得賣爵

富人欲爵貧人
欲錢故聽賣買

七年夏六月帝崩遺詔短喪

甲申

遺詔曰萬物之生靡不有死死者天地之理物之自然奚可甚哀當今之世咸嘉生而惡死厚塋以破業重服以傷生吾甚不取且朕既不德無以佐百姓今崩又使重服久臨哀人父子損其飲食絕鬼神之祭祀以重吾不德謂天下何朕獲保宗廟以眇眇之身託于天下君王之上二十有餘年賴天之靈社稷之福方內安寧靡有兵革朕既不敏常畏過行以羞先帝之遺德惟年之久長懼于不終今乃幸以天年得

復供養于高廟其奠哀念之有其令天下吏民令到

出臨三日皆釋服殿中當臨者皆以旦夕各十五舉

音禮畢罷服大紅與功同十五日小紅十四日纖七日

釋服大功小功纖皆以衰布言由粗及細大功中祥小功大祥纖則禫也三十六日而釋服以日易

也月布告天下使明知朕意霸陵山川因其故無有所

改因山為藏不復起墳就其水名以為陵號歸夫人以下至少使夫人下有美人

良人八子七子長使少使皆遣歸家

塋霸陵在西安府咸寧縣東其西北為霸陵縣即霸上也

文帝仁儉之德當觀其大者遠者自史臣博採傳會轉恐失真無論持百金以營臺分十金以號中人之產為理所必無即慎夫人衣不曳地而鄧通則給銅山鑄錢事軍有剽謬若此者甚至以賜吳王几杖為止叛賜張武金為止貪不幾執宋襄徐偃王愚懦之見窺尋令辟哉向因

帝在位二十三年宮室苑囿車騎服御無所增益有

不便輒弛以利民嘗欲作露臺

史記索隱新豐驪山上有露臺鄉即文帝

欲作臺處

名匠計之直百金帝曰百金中人十家之產也

吾奉先帝宮室常恐蓋之何以臺為身衣弋綈

弋黑色綈

厚繒也

所幸慎夫人衣不曳地帷帳無文繡以示敦朴

為天下先治霸陵皆瓦器不得以金銀銅錫為飾吳

王詐病不朝賜以几杖羣臣表盎等諫說雖切嘗假

借納用之張武等受賂遺金錢覺賜御府錢以愧其

讀史屢反之益
以辭害意古今
通病不可不知

心專務以德化民是以海內安寧家給人足後世鮮
能及之

太子啟即位

是為孝
景帝

尊皇太后曰太皇太后皇后曰皇太后

秋九月有星孛于西方

孝景皇帝

乙酉元年冬十月尊高皇帝為太祖孝文皇帝為太宗令

郡國立太宗廟

丞相嘉等奏功莫大于高皇帝德莫盛于孝文皇帝
高皇帝宜為太祖之廟孝文皇帝宜為太宗之廟天
子世世獻郡國各宜立太宗廟制曰可

復收民田半租

初文帝除民田租

事具前

至是令民出租之半三十而

稅一也

減笞法

文帝雖除肉刑而笞五百及三百者率多死至是帝

下詔曰加笞與重罪

謂死刑

無異幸而不死不可為人

其定律笞五百曰三百笞三百曰二百然尚有不全

者後更減笞三百曰二百笞二百曰一百

事在中元六年又

定箠令

箠以竹為之長五尺其本大一寸末薄半寸皆平其節

當笞者笞臀毋

得更人

謂行笞者不更易人

自是笞者得全

以張歐

沛人字叔高祖功臣安邱侯說少子

為廷尉

歐事帝于太子宫雖治刑名家為人長者未嘗言案

人專以誠長者處官官屬亦不敢大欺

丙戌 二年冬十二月有星孛于西南

春三月立子六人為王

德為河間王

故河間哀王福薨無子以其地封德

閼為臨江

治江陵注見前

王

立三年

餘為淮陽

注見前

王

後徙封魯

非為汝南

治平輿注見前

王

後徙封

彭祖為廣川

治信都注見前

王

後徙封趙

發為長沙

注見前

江都

王

長沙王吳著薨無子國除故以其地封發

夏四月太皇太后崩塋南陵

在霸陵南

六月丞相故安侯申屠嘉卒

時鼂錯為內史

秦內史掌治京師漢因之

數請間言事輒聽寵幸

傾九卿

漢正九卿奉常郎中令衛尉太僕廷尉典客宗正治粟內史少府是也

法令多

所更定丞相嘉疾之錯以內史門東出不便乃更穿

一門南出南出者太上皇廟塋

內塋外游地

垣也嘉聞為

奏請誅錯客有語錯錯恐夜入宮自歸上

自首于上也

至

朝嘉請上曰錯所穿乃外塋垣故冗官居其中且我

使為之錯無罪嘉罷朝曰吾悔不先斬錯乃為所賣

歐血而死

謚曰節

臨江王與鼂錯
同罪一為之曲
庇一微之對簿
何以服人心哉

以陶青

陶陶唐氏之後青高祖功臣開封侯舍子

為丞相竈錯為御史大夫

彗星出東北

秋衡山

漢國注見前

雨雹

大者五寸深者三尺

熒惑

注見前

逆行守北辰

中宮北極五星亦曰天極

月出北辰間

月有九行

終不能出北辰之間出北辰間失其行也

歲星

注見前

逆行天廷

太微為天廷

中

丁三年冬十月梁王武來朝

梁王以竇太后少子故有寵居天下膏腴地

北界秦山西北至

以傳位重事為
戲言致梁王安
生覬覦啟寵台
亂即荀桐之誤
亦不可比類矣

高陽四十餘
城皆大縣

賞賜不可勝道

府庫金錢且百鉅萬
珠玉寶器多于京師

至

是來朝時上未置太子與王宴飲從容言曰千秋萬

歲後傳于王王辭謝雖知非至言然心內喜太后亦

然詹事

秦官漢因之掌
皇后太子家

竇嬰

字王孫太
后從兄子

引卮進酒曰

天下者高祖之天下父子相傳漢之約也上何以得

傳梁王太后由是憎嬰嬰遂病免太后除嬰門籍

出入

殿門梁王以此益驕

廣睢陽城築東苑招延四方游
士莫不至焉 睢陽故城在今

河南歸德府商邱縣南東
苑亦曰元園在商邱縣東

長星出西方

春正月吳王濞膠西王卬膠東王雄渠菑川王賢濟南

王辟光楚王戊

元王交之孫

趙王遂反以條

亦作修今直隸河間府景州有

南條城故漢縣也

侯周亞夫為太尉將兵討之

初孝文時吳太子入見得侍皇太子飲博爭道不恭

皇太子引博局提

音抵擲也

殺之吳王由是怨望稱疾不

朝始有反謀後使人為秋請

孟康曰律春曰朝秋曰請如古諸侯朝聘也

文帝責問之使者曰察見淵中魚不祥

語見韓非子

唯上

晁錯削地之謀雖中無成算而出之太驟然猶曰為國家計久安也至事變已成乃汲汲自請居守欲以苟免自全則適足以殺其軀而已

棄前過與之更始于是文帝賜吳王几杖老不朝其謀乃解然以此日益橫晁錯數言吳過可削文帝寬不忍罰反帝即位錯曰吳王不朝于法當誅文帝弗忍德至厚也當改過自新乃益驕恣公即山鑄錢煮海為鹽誘天下亡人謀作亂逆今削之亦反不削亦反削之其反亟禍小不削其反遲禍大上命列侯公卿宗室雜議莫敢難獨竇嬰爭之錯又言楚趙皆有罪各削一郡膠西以賣爵事削六縣方議削吳吳王

恐削地無已因發謀舉事聞膠西王勇好兵使人說

之又身至膠西面約

吳王使應高口說膠西王王初不許高說以兩分天下乃許之

吳王猶恐其不果乃身自為使者至膠西膠西羣臣聞其謀諫王曰今承一帝尚云不易假令其事成兩主分爭患乃益生王不聽遂發使約齊菑川膠東濟南皆許諾楚

王戊坐削地亦與吳通謀

初楚元王與魯申公穆生白生俱受詩于浮邱伯及

王楚以三人為中大夫穆生不嗜酒元王每為設醴及孫戊即位常設後乃忘設焉穆生退曰可以逝矣醴酒不設王之意怠不去楚人將鉗我于市遂稱疾卧申公白生彊起之曰獨不念先王之德與今王一旦失小禮何足至此穆生曰君子見幾不俟終日先王之所以禮吾主人者為道存也今而忽之是忘道

也志道之人胡可與久處豈為區區之禮哉因謝病去戊稍淫暴太傅韋孟作詩諷諫不聽亦去及與吳通謀申公白生諫戊戊胥靡之末之赭衣使杵臼碓春于市穆氏楚穆王之後以謚為氏浮邱復姓伯齊人韋承氏之後及削吳會稽豫章郡書至吳王遂孟彭城人後徙鄒

先起兵殺漢吏膠東膠西菑川濟南楚趙亦皆反齊

王孝王後悔背約城守濟北王城壞未完其郎中令

劫守王不得發兵膠西膠東菑川濟南共攻齊圍臨

淄趙王遂發兵住其西界北使匈奴與連兵吳王悉

其士卒二十餘萬閩東越亦發兵從起廣陵西涉淮

并楚兵遣諸侯書罪狀鼂錯欲合兵誅之攻破梁棘

壁

即春秋大
棘注見前

乘勝而前銳甚梁王遣將軍擊之皆敗

還梁王城守睢陽初文帝且崩戒太子曰即有緩急
周亞父真可任將兵及是七國反書聞上乃拜亞夫
為太尉將三十六將軍擊吳楚曲周侯酈寄擊趙將
軍欒布擊齊復召竇嬰拜大將軍屯滎陽監齊趙兵
殺御史大夫鼂錯

帝與錯議出兵事錯欲令上自將兵而身居守又言

錯之罪在欲自
守然此際斷不

可誅之至其贊
畫縱不得為合
宜然其識過明
代方黃輩其處
景帝既與定計
旋為讐口所動
斬謀臣以謝叛
人及知其無濟
而又悔之其識
見卑鄙豈不更
出建文下乎

徐僮之間吳未下者可以予吳錯素與吳相表盍不

善及吳反錯以盍宜知吳計謀欲治之人有告盍盍

恐夜見竇嬰為言吳所以反願至上前口對狀嬰入

言上乃召盍盍入見上方與錯調兵食問盍曰今吳

楚反于公意何如盍曰願屏左右上屏人獨錯在盍

曰臣所言人臣不得知乃屏錯

錯趨避東
廂甚恨

卒問盍對

曰吳楚相遺書言賊臣鼂錯擅適

讀作
謫

諸侯削奪之

地以故反欲共誅錯復故地而罷今獨有斬錯發使

赦七國復其故地則兵可無血刃而俱罷上默然良

久曰顧誠何如吾不愛一人以謝天下乃拜盎為大

常密裝治行使吳令丞相廷尉劾奏錯曰錯議陛下

自出臨兵使錯居守又欲以城邑予吳無人臣禮大

逆無道錯當要斬父母妻子同產皆棄市制曰可錯

殊不知上使中尉召錯給載行市錯衣朝衣斬東市

初錯建議侵削諸侯其父自潁川來謂曰疏人骨肉
何為也錯曰不如此天子不尊宗廟不安父曰劉氏

安鼂氏危矣吾不忍見禍逮身

遂飲藥死後十餘日吳楚反

錯已死謁者僕射鄧

公

城固人亦曰鄧先

為校尉上書言軍事見上上曰道軍所

來聞鼂錯死吳楚罷否鄧公曰吳為反計數十歲矣
以誅錯為名意不在錯也夫鼂錯患諸侯彊大不可
制故請削之以尊京師萬世之利也計畫始行卒受
大戮內杜忠臣之口外為諸侯報仇臣竊為陛下不
取也帝喟然曰吾亦恨之蓋至吳吳楚兵已攻梁壁
因留盜軍中欲劫使將盜不肯使人圍守且殺之盜
得間懷節旄夜亡走梁遂歸報

二月太尉周亞夫大破吳楚軍，裨亡走，越越人誅之，戊
自殺。

亞夫之將也，請于上曰：「楚兵剽輕，難與爭鋒，願以梁
委之，絕其食道，乃可制也。」上許之。亞夫乘六乘傳，張晏

曰：欲急馳，故乘傳車六乘。

將會兵滎陽，發至霸上，趙涉遮說曰：「吳

王素富，懷輯死士久矣，知將軍且行，必置間人于穀

澠、阨之間，且兵事尚秘密，將軍何不從此右去，走

藍田。

今縣屬陝西西安府本漢置以藍田山名。

出武關，抵洛陽，間不過差

一二日直入武庫擊鳴鼓諸侯聞之以為將軍從天而下也亞夫如其計至洛陽喜曰吾乘傳至此不意自全今吾據滎陽滎陽以東無足憂者使吏搜殽澠間果得吳伏兵乃請涉為護軍引兵東北走昌邑深壘而守吳攻梁急梁數使使求救亞夫不許梁慙于上上使告亞夫救梁亞夫不奉詔而使輕騎出淮泗口絕吳楚兵後塞其饗道梁使韓安國

睢陽人字長孺為梁中大

夫張羽

楚故相張尚弟楚反尚諫被殺

為將軍羽力戰安國持重乃

得頗敗吳兵吳兵欲西梁城守不敢西即走亞夫軍
亞夫堅壁不與戰亞夫軍中夜驚擾亂至帳下亞夫
堅卧不起項之復定吳奔壁東南陬亞夫令備西北
已而吳精兵果奔西北不得入吳楚士卒多饑死叛
散乃引而去亞夫出精兵追擊大破之吳王濞棄其

軍亡渡淮走丹徒

漢縣歷代因之今為江南鎮江府治

保東越越人鉞

殺之盛其頭馳傳以聞

太子駒亡走閩越

楚王戊軍敗即自

殺吳楚反凡三月皆破滅于是諸將皆以亞夫謀為

是而梁王由此與亞夫有隙

壬子晦日食

齊王將閭及邛遂皆自殺雄渠賢辟光皆伏誅徙濟北

王志為菑川王

先是三國

膠西膠東菑川

圍齊齊王使路中大夫

張晏曰姓路官中大

夫氏族畧路出帝
摯之後以國為氏

告于天子天子復令還報告齊王

堅守漢兵今破吳楚矣路中大夫至三國兵圍臨淄
數重不得入三國將與路中大夫盟曰若反言漢已

破矣齊趣下三國不且見屠路中大夫既許至城下
望見齊王曰漢已發兵百萬擊破吳楚方引兵救齊
齊必堅守無下三國將遂殺路中大夫齊初圍急陰
與三國通謀會路中大夫從漢來其大臣乃復勸王
無下而樂布等兵至擊破三國兵解圍已聞齊初有
謀欲移兵伐之齊王懼飲藥自殺膠西王卬詣漢
軍叩頭請罪弓高

漢縣故城在今直隸
河間府阜城縣西南

侯韓積當執

金鼓出詔書讀之卬自殺膠東菑川濟南皆伏誅酈

寄攻趙不下樂布破齊還并兵引水灌趙城城壞王
遂自殺濟北王亦欲自殺齊人公孫攬為說梁王曰
濟北雖墜言于吳而終底節不下使吳失與而無助
破敗而無救者未必非濟北之力也梁王以聞濟北
王得不坐徙封菑川

立故齊王將閭太子壽為齊王楚元王子禮為楚王子
端為膠西王勝為中山

治盧奴今直隸定州王

帝以將閭迫劫有謀非其罪也乃召立其太子壽欲

續吳楚太后曰吳王首為紛亂奈何續其後不許乃

立禮

時封平陸侯為宗正

奉元王後

戊子 四年夏四月立子榮為皇太子徹為膠東王

即武帝

榮栗姬子徹王夫人子

王夫人母臧兒故燕王臧荼女孫也嫁槐里王仲生男信

與兩女仲死臧兒更嫁田氏長女為金王孫婦生女
矣臧兒卜金氏婦當貴奪而內之皇太子宮是為王
夫人生兒徹徹方在身王夫
人夢日入其懷以為貴徵焉

冬十月戊戌晦日食

劉敞曰是年紀事十月在年終誤
胡三省曰通鑑蓋承用漢書本紀

也考劉胡二氏之說蓋亦闕疑之意而徐昭文考證以
五年當書于日食之上薛應旂甲子彙紀又以日食紀

于四年之首未知孰是今仍通鑑

徙衡山王勃為濟北王廬江王賜為衡山王

初七國反吳使者至衡山衡山王堅守無二心上以為貞信徙王于濟北以褒之廬江王以邊越數通使

徙王衡山

己丑五年春正月作陽陵邑

豫作壽陵也在西安府高陵縣西南

募民徙居之賜錢二十萬

自是諸帝皆豫作壽陵

遣公主嫁匈奴單于

庚寅 六年冬十二月雷大霖雨

秋九月廢皇后薄氏

上為太子時薄太后以薄氏女為妃及即位為皇后
無寵至是遂廢

辛卯 七年冬十一月廢太子榮為臨江王

長公主嫖

即館陶公主帝之妹下嫁陳平嫖匹肖反長公主名也

有女欲與太

子為妃栗姬妬以帝後宮諸美人皆因長公主見得
貴幸故怨怒不許長公主欲與王夫人男徹王夫人

許之由是長公主日譏栗姬而譽王夫人男之美帝

亦自賢之王夫人知帝嫌栗姬陰使人趣大行

本典
客改

大行令掌

九儀之制請立栗姬為皇后帝怒曰是乃所宜言邪

遂按誅大行而廢太子太傅竇嬰力爭不能得乃謝
病免栗姬恚恨而死

庚寅晦日食

春二月丞相青免以周亞夫為丞相罷太尉官

夏四月立夫人王氏為皇后膠東王徹為皇太子

以邳都

邳商時侯國後以為氏都河東大陽人

為中尉

都為人勇悍公廉不發私書問遺無所受請謁無所

聽及為中尉獨先嚴酷列侯宗室側目而視號曰蒼

鷹臨江王榮坐侵太宗廟塋垣為宮徵詣中尉府對

簿

事在中元二年

王欲得刀筆

顏師古曰古者著書于簡牘必用刀

為書謝上

都禁吏不予寶嬰使人間予之王既為書因自殺太

后聞之怒後以危法中都殺之

壬辰
中元年夏地震

衡山原都

胡三省註原都地名蓋屬衡山

雨雹

大者尺八寸

已癸 二年夏四月有星孛于西北

立子越為廣川王

彭祖徙趙故立越

寄為膠東王

徹為太子故立寄

秋九月甲戌晦日食

梁王武使人殺袁盎

梁王以至親有功得賜天子旌旗出蹕入警寵信羊

勝公孫詭二人多奇邪計說王求為漢嗣王遂入朝

在前
七年

帝使使持乘輿駟迎于闕外既朝上疏因留

王以

太后故入則侍帝同輦出則同車遊獵梁侍中
郎謁者著籍引出入天子殿門與漢宦官亡異

會栗

太子廢太后因置酒謂帝曰安車大駕用梁王為寄

帝詭席舉身曰諾罷酒召諸大臣問曰太后言如是

何謂也皆曰太后意欲立梁王為帝太子表盎曰昔

宋宣公不立其子而立其弟

事具前

以生禍亂五世不絕

小不忍害大義故春秋大居正請入見太后白之太
后議格遂不復言而使梁王歸國梁王由此怨盎與

勝詭謀陰使人刺殺盜

梁刺者十餘曹先刺者聞盜名不忍刺其後曹逸殺盜安

陵郭門外

及他議臣十餘人于是天子意

猶疑也

梁遂賊果

梁使之遣田叔往案捕詭勝詭勝匿王後宮內使韓

安國見王泣曰大王誅

見誘也

邪臣浮說犯上禁撓明

法天子以太后故不忍置法太后日夜啼泣幸大王

自改大王終不覺悟有如太后宮車即晏駕大王尚誰

攀乎語未畢王泣數行下令詭勝自殺出之

上方怨梁遣使

覆按梁事冠蓋相望于道王恐使鄒陽人長安見皇后兄王信說曰長君弟得幸于上而長君行迹多不

田叔梁事雖
云善處骨肉之
間但所以致此
者以君無能也
太陽出而燭火
自熄美然使明

循道理者令梁王即伏誅太后無所發怒切齒側目
于貴臣竊為足下憂之長君誠為上言得毋竟梁事
太后德長君入骨髓而長君之弟幸于兩宮金城之
固也昔者象日以殺舜為事舜立為天子封之有庠
是以後世稱之以是說天子微幸梁事不
奏長君乘間言之帝怒稍解鄒陽齊人時太后憂

梁事不食日夜泣不止帝患之田叔等還至霸昌廐

括地志在萬年縣東北萬年今咸寧縣治悉燒梁獄辭空手來見帝曰梁

有之乎田叔曰上毋以梁事為問也今梁王不伏誅

是漢法不行也伏法而太后食不甘味卧不安席此

憂在陛下也上大然之使叔等謁太后曰梁王不知

李諸臣有一如
田叔者亦何至
三案紛爭曉說
不已馴致亡國
而後已哉

也為之者幸臣羊勝公孫詭之屬耳謹以伏誅梁王
無恙也太后聞之立起坐餐氣平復梁王因上書請
朝用茅蘭梁大夫說乘布車從兩騎伏斧質于闕下謝
罪太后帝大喜相泣復如故然帝益疏王不與同車
輦矣以田叔為賢擢為魯相

甲午 三年夏四月地震

立子乘為清河

治清陽故城在今直隸廣平府清河縣東

王

立十二年卒無子國

除

秋九月蝗

戊戌晦日食

丞相亞夫免

初上廢栗太子亞夫固爭之不得而梁王每與太后言亞夫短太后欲侯王信帝與亞夫議之亞夫曰高帝約非有功不侯信雖后兄無功侯之非約也帝默然而止後匈奴王徐廬等六人降帝欲侯之以勸後亞夫曰彼背其主而降侯之則何以責人臣不守節

者乎帝曰丞相議不可用乃悉侯徐盧等亞夫因謝

病免

以劉舍

桃侯劉襄
子嗣為侯

為丞相

乙未四年冬十月戊午日食

丙申五年夏立子舜為常山王

常山文帝時併
入趙今復為國

大水

九月詔獄疑者獄之

詔曰獄人之大命死者不可復生朕甚憫之諸獄疑

若猶言若疑也雖文致于法而于人心不厭謂不服也者輒獻

之

地震

丁酉六年冬十一月改諸官名

更命廷尉為大理奉常為太常典客為大行後更為大鴻臚

治粟內史為大農後更為大司農將作少府本秦官掌治宮室為將

作大匠主爵中尉本秦官掌列侯為都尉後更名右扶風長信詹事

掌皇太后宮為長信少府將行本秦官皇后卿為大長秋大行為

行人

先是更郡守為太守郡尉為都尉更諸侯丞相為相明年又更中大夫為衛尉

春二月行幸雍郊五時

史記封禪書雍五時索隱曰秦宣公作密時祀青帝靈公作上

時祀黃帝下時祀炎帝獻公作畦時祠白帝本四時後漢高祖入關曰天有五帝今四何也待吾而具遂作北時祠黑帝于是雍有五時括地志五時原俱在雍縣南考秦襄公作西時文公作廊時皆祠白帝以非雍地故不在五時之數

夏四月梁王武卒

諡曰孝

分梁地王其子五人

先是梁王入朝上疏欲留帝不許王歸國意忽忽不樂未幾卒太后哭極哀不食曰帝果殺吾子帝哀懼

不知所為與長公主計之乃分梁為五國盡立孝王

男五人為王

買為梁王明為濟川王彭離為濟東王定為山陽王不識為濟陰王

女五

人皆食湯沐邑太后乃說為帝加一餐

梁後五王濟川濟東俱以

罪廢山陽濟陰俱無

子國皆除惟梁獨存

六月匈奴寇鴈門

漢郡治善無故城在今山西朔平府右玉縣南

上郡

匈奴入鴈門上郡李廣

成紀人

為上郡太守

廣初為上谷太守數

與匈奴戰公孫昆邪謂上曰李廣材氣天下無雙自負其能數與虜角恐亡之乃徙上郡

從百騎

出卒遇匈奴數千騎廣騎欲馳還廣曰吾去大軍數

十里令走匈奴追射我立盡令我留匈奴必以為大
軍之誘不敢擊乃令諸騎前未到匈奴陳二里所皆
下馬解鞍以示不走匈奴有白馬將出護其兵廣上
馬與十餘騎奔射殺之還解鞍令士皆縱馬卧會暮
匈奴終怪之不敢擊夜引而去

秋七月辛亥晦日食

以甯成

南陽
穰人

為中尉

自邳都死長安宗室多暴犯法上乃召濟南都尉甯

成為中尉其治效郅都其廉弗如然宗室豪傑人人
惴恐成後遷內史以罪廢已復起為閭都尉吏民出入閭者號曰寧見乳虎無直甯成之怒其暴如此

戊戌後元年春正月詔治獄者務先寬

詔曰獄重事也人有智愚官有上下獄疑者獄有司
有司所不能決移廷尉讞而後不當讞者不為失顏師
古曰假令讞訖其理不當所讞之人不為罪失欲令治獄者務先寬

夏地震

震凡二十一日

丞相舍免

秋七月乙巳晦日食

八月以衛綰大陵人

為丞相直不疑直氏楚人直弓之後不疑南陽人為

御史大夫

初綰以戲車

顏師古曰若今弄車之技

為郎事文帝遷中郎將醇

謹無它

無餘志念也

上為太子時召文帝左右飲綰稱病

不行文帝且崩屬上曰綰長者善遇之故上亦寵任

辯足矣買金而
償婦情斯甚且
我乃無兄不已
源子自明乎蘇
執謂不疑是蒙
垢求名良然

亞夫為將則有
功為相則守正
貴誼所謂可以
託不御之權者
庶幾近之反謂
軟軟非少主臣

馬不疑為郎有同舍告歸誤持其同舍郎金去同舍
郎疑不疑不疑買金償後告歸者至而歸金亡金郎
大慙以此稱為長者人或毀不疑以為盜嫂不疑曰
我乃無兄然終不自明也

下條侯周亞夫獄亞夫不食死

上召亞夫食獨置大胾無切肉又不置箸亞夫心不

平顧尚席

主席者

取箸上視而笑曰此非不足君所乎

孟康曰此非不足滿
于君所乎嫌恨之也

亞夫免冠謝上上曰起亞夫因

而取醢護無它
之術綰何以爲
知人之明乎

趨出上目送之曰此鞅鞅非少主臣也居無何亞夫

子爲父買工官尚方

工官即尚方之工尚方少府屬掌工作器物

甲楯可

塋者爲人所告事連污亞夫名詣廷尉廷尉責問曰
君侯欲反乎亞夫曰臣所買乃塋器也何謂反乎吏
曰君縱不欲反地上即欲反地下耳侵之益急亞夫
不食五日歐血而死

己亥

二年春正月地一日三動

夏四月詔戒二千石

漢太守秩二千石

修職事

詔曰雕文刻鏤傷農事者也錦繡纂組害女紅者也
農事傷則饑之本也女紅害則寒之原也饑寒並至
而能亡為非者寡矣朕親耕后親桑以奉宗廟粢盛
祭服為天下先不受獻減太官

少府屬
掌膳食

省繇賦欲天

下務農蠶素有蓄積以備災害彊無攘弱衆無暴寡
老者以壽終幼孤得遂長今歲或不登民食頗寡其
咎安在或詐偽為吏以貨賂為市漁奪百姓侵牟萬
民縣丞長吏也姦法與盜盜

謂犯法者直
共盜為盜耳甚無謂也

其令二千石各修其職不事官職耗

讀與耗同

亂者

丞相以聞請其罪

秋大旱

庚子三年冬十月日月皆赤凡五日

十二月晦雷日如紫五星逆行守太微

晉書天文志太微天子庭五帝

之座十二月月貫天庭

注見前

中

春正月詔勸農桑禁采黃金珠玉

詔曰農天下之本也黃金珠玉饑不可食寒不可衣

間歲或不登意為未者衆農民寡也其令郡國務勸

農桑益種樹可得衣食物吏發民若取庸

韋昭曰發民用其民

也取庸因其資以雇庸也

采黃金珠玉者坐贓為盜二千石聽者

與同罪

帝崩太子徹即位

是為孝武帝

尊皇太后為太皇太后皇后為皇太后

二月莖陽陵

注見前

史臣曰漢興掃除煩苛與民休息至于孝文加之以恭儉孝景遵業五六十載之間至于移風易俗黎民


景帝之治遠不逮大而失德之

事屢矣獨其休
息愛民尚不失
家業而安耳史
臣以之並擬成
康未免失實

醇厚周云成康
漢云文景美矣



御批歷代通鑑輯覽卷十四



總校官進士臣程嘉謨

校對官編修臣吳舒帷

謄錄監生臣李邦燮